

Grupo di hende preocupa a tene conferencia pa condena discriminacion na Aruba



ORANJESTAD(AAN): Diahuebs anochi a tuma lugar un conferencia di prensa, organiza pa diferente persona di San Nicolas, pa muestra nan preocupacion, pa loke a sosode durante di e ultimo simannan, relaciona cu e caso di Natalee Holloway, cu ta señala cu Aruba por tin un problema pa loke ta trata discriminacion.

Durante di e rueda di prensa mamanan di Abraham Jones y Nick John tambe tabata tey.

MIKE DE MEZA: Mike de Meza kende a forma parti di e grupo, a expresa palabranan di sympatia y forza na famia Holloway, pa loke nan ta pasando aden.

Tambe de Meza a bisa cu e grupo presente ta malcontento, pa loke ta e rumbo cu e caso a coi algun tempo pasa, unda cu a detene Jones y John, caminda cu nan nomber y cara a pasa rond mundo den un forma negativo.

De Meza a sigui bisa cu ningun miembro di Gobierno a si kiera expresa cualkier clase di disculpa, pa loke a sosode y pueblo di San Nicolas ta hopi malcontento, mirando cu e caso ta lagabo sinti manera e ta un caso di discriminacion.

A yega ora pa esaki stop na Aruba, segun de Meza.

GARIO: Antoni Gario tambe tabata presente na e conferencia di prensa y a expresa cu e ta lamenta cu prensa internacional a worde invita tambe, sinembargo nan cu a lastra Aruba su nomber mundialmente, hunto cu nomber di Jones y John, no tabata tin e desencia pa presenta na e conferencia na San Nicolas, unda cu nan por a rectifica loke nan a presenta den nan programanan.

MILTON PONSON: Segun Milton Ponson, tin hopi indicacion cu tin discriminacion na Aruba y cu te cu cierto punto esaki tabata e caso durante di investigacion riba e caso aki, te ora cu prensa internacional a cuminsa haci cierto pregunta.

Segun Ponson a yega tempo pa e systema huridico bira ciego pa color of clase of amistad.

ALEX MATHEW: Alex Mathew, kende ta un di esnan cu a organiza e rueda di prensa a splica cu e ta condena e echo cu un matutino cu ta skirbi na ingles na Aruba a publica cu nan a haya mas di 200 e-mail mundialmente y cu e hendenan di San Nicolas no ta worry.

El a splica cu el a invita nan pa ta presente, sinembargo un ora prome cu e conferencia, nan a bisa cu nan no tabata por bin, pa motibo nana mester a bay cinema. Esaki ta falta di respet, segun Mathew.

Mathew a sigui bisa cu pueblo di Aruba mester bay

haci tur lo posibel, pa resolve e caso, pa asina ningun hende worde sentencia incorectamente, pa motibo di kende nan ta of kende nan no ta.

CORNELIS WILSON: Cornelis Wilson a expresa cu e ta sinti pa famianan di Holloway, como tambe famia di e tres mucha hombernan deteni den e caso, sinembargo e ta sinti berguenza, pa cu con e caso a bay te ainda.

El a splica cu e ta sinti berguenza, pero esaki no a bin como sorpresa.

Esaki segun Wilson, cu a bisa cu pa hopi tempo caba, tin inhusticianan ta tuma lugar na Aruba, relaciona cu color y raza.

Segun Wilson nos di Aruba

mester stop di haci como si fuera no tin discriminacion na Aruba.

GLENBERT CROES: Segun Glenbert Croes, como Parlamentario, e kier asegura e mama di Jones y John, cu nan lo no worde castiga inhustamente pa algo cu nan no a comete y pa e systema hudicial rectifica e inhusticia cometi den nan direccion.

Tambe Glenbert a bisa cu e intencion ta pa Aruba no paga pa un crimen cu e isla no a comete.

E ta sinti cu e mensahe mester bay prensa internacional, pa yuda drecha nos nomber back.

En especial e canalnan di television cu a lastra nomber di Jones y John, mester coopera pa cu esaki.


Na Oranjestad..

Diadomingo awor ta reparti paña

ORANJESTAD (AAN): Diadomingo awor, Asistencia Social Oranjestad ta reparti paña! Esnan den necesidad cu mester di paña por haya esaki gratis.

Pues dia 18 di Juni, bo por acudi di 10'or di mainta te cu 1'or di merdia na Caya Frere Johannus 8. Por fabor, bin cu bo handbag, saco, pa hiba loke bo tin mester.

AZY=ARUBA ZONDER VET!!



BEST DEAL

Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455

Kashi di paña
Afl. 150,=